

4-35



CENTRALNO GRIJANJE, TUZLA d.d.

Krečanska br.1, 75000 TUZLA

Identifikacijski broj kod UIO: 209012500000

Identifikacijski broj : 4209012500000

Rješenje o registraciji : U/I-920/02

Matični registarski broj : 1-294

**UDRUŽENJE GRAĐANA NE
DISKRIMINACIJA, NE MOBING
„NDNM“
MUSTAFA HUKIĆA 33
75000 Tuzla**

75000 Tuzla,
e-mail: cen.gri@grijanjetuzla.ba
Telefon-centrala: 321-600
Direktor: 321-603
Telefax: 281-391
Naš znak i broj: **09-01666-2025-1**
Datum: **21.04.2025. godine**

U skladu sa članom 14. stav 2. Zakona o slobodi pristupa informacijama FBiH („Sl. Novine FBiH“, broj 32/01 i 48/11), postupajući po Zahtjevu za pristup informacijama broj: Z-19/25 od 03.03.2025. godine Transparency International BiH, javni organ „Centralno grijanje“ d.d. Tuzla, donosi:

R j e š e n j e o odobravanju pristupa informacijama

1. Odobrava se podnosiocu zahtjeva UDRUŽENJE GRAĐANA NE DISKRIMINACIJA, NE MOBING „NDNM“, sa sjedištem u Tuzli, ul. Mustafe Hukića br. 33, pristup traženim informacijama u cjelosti.

2. Tražene informacije, koje se odnose na podatke o broju javnih poziva koje je društvo provelo u periodu od 01.01.2023. godine do 31.12.2024. godine, broju primljenih radnika, radnim mjestima, broju žalbi i ko se sve žalio na rješenja o prijemu, će podnosiocu zahtjeva biti dostavljene putem pošte.

3. Ovo rješenje stupa na snagu danom donošenja.

O b r a z l o ž e n j e

UDRUŽENJE GRAĐANA NE DISKRIMINACIJA, NE MOBING „NDNM“, sa sjedištem u Tuzli, ul. Mustafe Hukića br. 33, obratilo se javnom organu „Centralno grijanje“ d.d. Tuzla sa Zahtjevom za pristup informacijama broj: Z-19/25 od 03.03.2024. godine.

Javni organ je u provedenom postupku utvrdio da su ispunjeni svi uslovi za omogućavanje pristupa traženim informacijama, te kako ustupanje navedenih informacija nije u suprotnosti sa članom 4. i 6. Zakona o slobodi pristupa informacijama FBiH, odlučeno je kao u dispozitivu ovog rješenja.



Direktor:

Dr.sci: Babajić Nermina, dipl.pravnik

Dostavljeno:

1x Podnosilac zahtjeva,

1x a/a



Udruženje građana
Ne diskriminacija, ne mobing
tel: 066 208 387
email: udruzenje.ndnm@gmail.com
adresa: Maršala Tita do br.34 lamela A sprat III

Identifikacijski broj:
4210487470006
Broj transakcijskog računa kod
Raiffeisen Bank:
1610000352750017

Centralno grijanje d.d. Tuzla
Krečanska br.1
75 000, Tuzla

UDRUŽENJE GRAĐANA
"CENTRALNO GRIJANJE"
TUZLA

Predmet: Prigovor na rješenje broj 09-01666-2025-1 od 21.04.2025. godine

Broj

Poštovani,

28.04.2025.

U zakonom propisanom roku ulažemo prigovor na rješenje (u nastavku pobijano rješenje) navedeno u naslovu, te navodimo da je isto nezakonito iz više razloga.

Navodimo da cijenimo sve pružene informacije, kao i one koje su dostavljene u prilogu ovog rješenja u formi obavijesti broj 09-01666-2025-1 od 21.04.2025. godine, ali ističemo da su iste paušalne i djelimične..

Naime, rješenje samo po sebi je konfuzno, puno netačnih podataka i ne sadrži sve zakonom propisane elemente. Tačnije u istom nije propisana pouka o pravnom lijeku, što predstavlja jedno od **najozbiljnijih kršenja ljudskih prava**.

Upravo na ovaj način, vi nama uskraćujete pravo na djelotvoran pravni lijek, **te posebno ističemo da time kršite odredbe propisane članom 13. Europske konvencije o ljudskim pravima i osnovnim slobodama, a samim tim i pravo na pravično suđenje koje je propisano članom 6. EKLJP.**

Nadalje, u uvodu pobijanog rješenja se spominje zahtjev od nekog Transparency International BiH, što nema apsolutno nikakve veze sa predmetnim zahtjevom.


Obrazloženje pobijenog rješenja je **šturo** i u sebi ne sadrži ništa, osim činjenice o podnesenom zahtjevu i konstataciju da je omogućen "pristup" traženim informacijama.

Žalimo i što niste shvatili naš zahtjev u cjelosti, mi u istom tražimo i imena i prezime osoba koje su zasnovale radni odnos u traženom periodu kao i imena i prezimena osoba žalitelja, **što ste nam I dostavili u prilogu rješenja**. Smramo da sve osobe koje su zaposlene u javnim organima i koje se zapošljavaju u istim ne spadaju u tu kategoriju što potvrđuje i činjenica uspostavljanja Registra zaposlenih u javnom sektoru u TK, što možete i vidjeti na stranici https://anticorruptk.ba/fmreg/registar_zaposlenih.php.

Odredbama člana 9. ZOSPI je propisano ispitivanje javnog interesa, te smatramo da je sve navedeno **itekako od javnog interesa, jer se sprovode postupci za prijem državnih službenika koji su plaćeni za svoj rad našim/građanskim novcem**. Tako da informacije koje se odnose na broj primljenih državnih službenika u konkursnim procedurama, podatci o javnim konkursima u kojima su izjavljene žalbe, imena žalitelja, kao i sačinjenim listama uspješnih kandidata su **od naročitog javnog interesa, baš iz razloga što su finansirane javnim novcem**.

Stoga pozivamo drugostepeni organ da usvoji predmetni prigovor i u skladu sa zakonom riješu predmetnu stvar.

Sa poštovanjem,


Hamza Pašalić
Predsjednik Udruženja



Tuzla, 28. 04. 2025. godine

Broj protokola: Z-114/25

Misija: Udruženje koje se bori za jednakost i ravnopravnost građana u svim sferama života, sa naglaskom na radno-pravne odnose i borbu protiv mobinga kao jednog od oblika diskriminacije i sredstvo poslodavaca i političkih stranaka kojim drže u strahu radnike, zaposlenike i državne službenike.

Vizija: Ravnopravno društvo bez diskriminacije po bilo kojem osnovu

**CENTRALNO GRIJANJE, TUZLA d.d.**

Krečanska br.1, 75000 TUZLA

Identifikacijski broj kod UIO: 209012500000

Identifikacijski broj : 4209012500000

Rješenje o registraciji : U/I-920/02

Matični registarski broj : 1-294

**UDRUŽENJE GRAĐANA NE
DISKRIMINACIJA, NE MOBING
„NDNM“
MUSTAFA HUKIĆA 33
75000 Tuzla**

75000 Tuzla,
e-mail: cen.gri@grijanjetuzla.ba
Telefon-centrala: 321-600
Direktor: 321-603
Telefax: 281-391
Naš znak i broj: **09-01666-2025-1**
Datum: **26.05.2025. godine**

PREDMET: Odgovor na prigovor broj Z-114/25 od 28.04.2025. godine

Poštovani,

U skladu sa članom 14. stav 2. Zakona o slobodi pristupa informacijama FBiH („Sl. Novine FBiH“, broj 32/01 i 48/11), a postupajući po vašem Zahtjevu za pristup informacijama broj: Z-19/25 od 03.03.2025. godine, javni organ „Centralno grijanje“ d.d. Tuzla je donio Rješenje o odobravanju pristupa informacijama broj 09-01666-2025-1 od 21.04.2025. godine. Rješenje sadrži sve elemente propisane članom 14. navedenog Zakona, u slučaju kada je zahtjevu udovoljeno. Što se tiče Transparency international BiH u preambuli Rješenja, ukazujemo, a što je i vama očigledno, da se radi o tehničkoj greški, ali koja nije od uticaja za dispozitiv Rješenja.


Uz Rješenje o odobravanju pristupa informacijama dostavljene su Informacije taksativno kako ste to tražili vašim zahtjevom, i to:

1. Koliko je javnih poziva objavilo i provelo društvo u periodu od 01.01.2023. godine do 31.12.2024. godine?
2. Koliko je primljeno radnika i na koja radna mjesta?
3. Da li je bilo žalbi na rješenja o prijemu u radni odnos?
4. Ko se sve žalio?

Pojašnjenja radi, radnici zaposleni u “Centralno grijanje” d.d. Tuzla ne pripadaju kategoriji državnih službenika za koje se provode postupci za prijem državnih službenika, već se na njih primjenjuje opći režim radnih odnosa propisan Zakonom o radu FBiH, za čije plaće se sredstva osiguravaju iz poslovanja Društva. Također, “Centralno grijanje” d.d. Tuzla je javno komunalno preduzeće iz razloga što obavlja djelatnost od javnog interesa, ali se isto ne finansira javnim novcem.

Imajući u vidu navedeno, kao i činjenicu da je Zahtjevu za pristup informacijama udovoljeno, te da samim tim Rješenje o slobodi pristupa informacijama sadrži sve elemente, kao i da je postupak po zahtjevu okončan, dostavljamo vam predmetni odgovor.

Dostavljeno:
1x UG „NDNM“
1x a/a



Direktor:

Dr.sc. Babajić Nermina, dipl.pravnik

Telefon - centrala: 321-600

Direktor: 321-603, Fax: 281-391

ŽR:132-100-01650103-94 NLB TB, WEB: www.grijanjetuzla.ba